

四庫全書

史部

欽定四庫全書

政和五禮新儀卷一百六十六

嘉禮

納皇后儀一

奏告天地社稷宮觀

陳設

臨軒命使發制書

采擇

問名

告吉

告成

告期

奏告太廟景靈宮諸陵

臨軒命使冊后及奉迎

冊后

奉迎

同牢

皇后表謝

皇后朝謁景靈宮

奏告天地社稷宮觀

前期太史局擇日差官奏告昊天上帝皇地祇太社太
稷中太一宮祐神觀醴泉觀上清儲祥宮太清儲慶宮
九成宮並如常告之儀

陳設

前期殿中監帥其屬尚舍張設垂拱文德殿門之內又設御座於文德殿當中南向東西房於御座之左右稍北東西閣於殿之左右殿上前楹施簾設香案於殿下螭陛間大晟展宮架之樂於殿庭橫街之南協律郎舉麾位於宮架西北東向大司樂押樂位於宮架之北北向儀鸞司設文武百僚及應行事官次於朝堂之內外又設使副次於右昇龍門之內設制書幄次於殿後東廂南向

前一日學士院奉制書入進

太僕奉紬絡網犢車入宣德東

偏門陳於右昇龍門內東西面其日尚輦陳大輦於殿
西階下東向陳御馬於殿門外東廂西向尚書兵部帥
其屬列黃麾細仗於殿庭典儀設使副受制位於橫街
南北向東上又設左輔承制位於御座之東又設左輔
宣制位及門下侍郎奉節位右弼奉制書位在使副東
北並西向又設權置制書位於近東稍北西向又於使
副受制書位稍北設褥位二以俟使副受制書應行事
官位又於近北西向以北為上設典儀位於宮架東北

贊者二人位少退西向

臨軒命使發制書

其日質明闕文德殿門文武百僚等及應行事官入就次服朝服大樂正帥樂工先入就位協律郎入就舉麾位大司樂入就押樂位樂備而不作典儀帥贊者先入就位管勾內臣承旨降制書出垂拱殿門禮部職掌以次奉舉至文德殿後幄次以待禮直官引使副入立于文德殿門外道東西向門下侍郎帥掌節者奉節立左

嘉福門內道北皇帝將出宮東上閤門引知樞密院事
以下詣垂拱殿立班如常儀東上閤門附內侍進班齊
牌垂拱殿簾降皇帝乘輦出至殿上少駐輦官迎駕自
贊常起居訖宣輦官上殿簾卷鳴鞭行門禁衛諸班親
從迎駕自贊常起居次舍人先贊知內侍省事以下常
起居次樞密以下通班常起居贊祇候引駕樞密知省
事以下至簽書東上閤門官分左右立六尚局應奉官
祇應武功大夫以下並先退管軍臣僚窄衣執杖子宣

名常起居贊祇候引駕並分左右前導輦降東階垂拱
殿門外禁衛諸班親從自贊常起居訖至文德殿後管
軍臣僚易公服執杖於殿階下分東西侍立皇帝降輦
入西閣前導官易朝服詣御座前分左右侍立知樞密
院簽書樞密院知各省事以下至簽書東上閣門官在
東同知樞密院在西閣門舍人以下各詣兩朶殿上不
當祇應舍人並殿下西向立諸軍將校先入分立殿門
內左右內外符寶郎俱詣閣奉迎御史臺引殿中侍御

史一員先入就位次東上閤門御史臺太常寺四方館分引三公以下文武百僚入詣文德殿庭立班東西相

向如月朔視朝之儀

未升朝官應立班者文臣承務郎以上位於通直之東西向武臣承

信郎以上位於修武郎之東禮直官引左輔右弼中書侍

郎及捧制書官等並詣文德殿後幄次前位立少頃奉制

書出幄次捧制書官帥執事人捧舉以行禮直官通事

舍人太常博士前引中書侍郎押制書右弼後從援衛

如儀由東上閤門出至文德殿庭權置訖禮直官通事

舍人引左輔版奏中嚴內外符寶郎奉寶先出少頃又引左輔版奏外辨皇帝服通天冠絳紗袍簾卷殿上鳴鞭禁衛諸班親從自贊常起居皇帝出西閤乘輦禮直官太常博士禮儀使前導皇帝出自西房內侍承旨索扇扇合皇帝降輦即御座簾卷內侍又贊扇開殿下鳴鞭爐煙升直官太常博士禮儀使立於御座前稍東西向符寶郎奉八寶陳於御座之左右分立如儀禮直官通事舍人太常博士引使副入就受制位立定典儀曰

再拜贊者承傳在位官皆再拜左輔詣御座前承制降
自東階詣使副前稍東西向稱有制典儀曰再拜贊者
承傳使副以下及在位官皆再拜左輔宣制曰納某官
女某氏為皇后命公持節行禮宣制訖使副又再拜左
輔升復位門下侍郎率掌節者脫節衣詣使者前東北
西向立掌節者以節授門下侍郎掌節者退門下侍郎
西向以節授使者使者跪受以授掌節者掌節者立於
使者之左門下侍郎退次引使副俱詣受制書位立定

又引右弼使者前東北西向立中書侍郎引置書案立於右弼之右右弼跪取采擇制書授使者訖受訖興置

於案

舉案者退立於後

次右弼取問名制書授使者並如上儀

訖右弼中書舍人侍郎俱退復位本班典儀曰再拜贊者承傳使副以下應在位官皆再拜訖禮直官通事舍人太常博士引使副從制書案出持節者前導奉案者次之出文德殿門掌節加節衣由端禮門入右昇龍門案制書於絢絡網犢車內使副步從出宣德門初制書

案出禮直官太常博士引禮儀使進當御座前俛伏跪
奏禮儀使具官臣某言禮畢俛伏興復位內侍承旨索
扇扇合簾降鳴鞭皇帝降座乘輦入自東房內侍又贊
扇扇開禮直官通事舍人引左輔版奏解嚴所司承旨
放仗應在位官皆再拜訖出

以後告吉告成告期
命使並如采擇之儀

政和五禮新儀卷一百六十六

欽定四庫全書

政和五禮新儀卷一百六十七

嘉禮

納皇后儀二

采擇

前一日有司設使副次於皇后第大門外道右南向東
上又設使副次於中門外之西東面北上其日使副乘
車持節備儀仗鼓吹備而不作至皇后第大門外降車

掌次者延入次主朝服受於廟

無廟者於廳事中門外設神位

執事者

皆公服禮直官引使副出次執事者取制書降車置於案禮直官引使副立於大門外之西東向北上持幡節者立於使副之北少退令使二人對舉置案立於使副之南執鴈者又在其南俱東面主人立於大門內之東西面賓者立於主人之左北面進受命出曰敢請事使者曰某奉制采擇賓者入告主人曰臣某之女未知壺儀方飭姆訓既蒙制訪臣某不敢辭賓者出告訖入引

主人出迎使副立於大門外之南北面再拜使副不答
拜主人揖使副先入室於階西面立使副入幃節前導
其持案及執鴈者從入幃節立于西階之西東面持節
者脫節衣使者自西階升立於兩楹間南向副使在使
者西南持案及執鴈者又在副使南少退俱東面主人
升東階詣使者前北面立持案者以案進副使取制書
持案者退復位副使奉制書進授使者還復位使者曰
有制執鴈者以鴈陳於庭三分庭一在南北向主人降

詣階間北面再拜使者宣制畢主人又再拜稽首訖升
進復詣使者前使者以制書授主人各俛伏跪主人受
制書訖各俛伏興主人少退以授掌事者仍北面立僮
者引二人對舉答表案進立於主人後少西僮者取表
以授主人主人受表進授使者如上儀訖退復位主人
再拜持節者加節衣禮直官引使副降自西階以出

制文

凡大禮制書皆以版長一尺二寸
博四寸厚八分后家答表亦如之

皇帝曰咨某官姓名肇經天人爰始夫婦正位基化敦

叙天倫敷求賢明是推令族率由盛典式舉徽章今遣使持節上公封某宗正卿封某以禮采擇

答文

皇帝嘉命舉大婚之禮下逮微陋備數采擇臣之女方祇保傳式嚴諄誨恭承令典肅荷徽章某官臣姓名稽首再拜承制詔

問名

使副既出中門外就次主人降立於中門內西向禮直

官引使副出次立於中門外之西東面北上持節者立於使副之北少退令史二人對舉制案立於使副之南執鴈者又在其南俱東向儼者進受命出曰敢請事使者曰將加卜筮奉制問名儼者入告主人曰臣某之女被預詢擇聞命祇懼既蒙制問臣某不敢辭儼者出告訖入引主人迎使副立於中門外之南北面再拜使副不答拜主人揖使副先入至於階西面立使副入幃節前導其持案及執鴈者從入幃節立于西階西東面持

節者脫節衣使者自西階升立於兩楹間南面副使在西南持案及執鴈者又在副使南少退俱東面主人升東階詣使者前北面立持案者以案進副使前副使取制書持案者退復位副使奉制書進授使者退復位使者曰有制執鴈者以鴈陳於庭三分庭一在南北向主人降詣階間北面再拜使者宣制畢主人又再拜稽首訖升進復詣使者前使者以制書授主人各俛伏跪主人受制書訖各俛伏興主人少退以授掌事者仍北向

立僎者引二人對舉答表案進立於主人後少西僎者取表以授主人主人受表進授使者如上儀訖退復位主人再拜持節者加節衣禮直官引使副降自西階出立於中門外之西副使在南少退俱東面主人降立於中門內西面僎者進受命出曰敢請事使者曰禮畢僎者入告主人曰某公奉制命至於某之室某有先人之禮請禮從者僎者出告使者曰某既得將事敢辭僎者入告主人曰先人之禮敢固以請僎者出告使者曰某

辭既不獲敢不從儼者入告遂引主人升立於序端掌
事者徹神位設禮賓席儼者引主人降迎使副報揖主
人入使副從入階卽座行飲食之禮會畢賓主俱興掌
事者奉幣以授主人主人以授使副使副降自西階從
者受幣使副退主人反於寢使副奉答表升車儀仗導
從至左掖門外降車儀仗退使副乘馬至合下馬門外
詣內東門以表附內侍進入訖退

制文

皇帝曰咨某官姓名自昔受命之君必擇建厥配以奉
天地以承宗廟以御于家邦德至茂也肆朕稽古永惟
大猷謀於公卿咸以祇若率由舊典式舉徽章令遣使
持節上公封某宗正卿封某以禮問名

答文

皇帝嘉命使者某重宣中制問臣名族臣女先臣某官
之遺元孫先臣某官之遺曾孫先臣某官之遺孫先臣
某姓某之外孫女年若干恭承令典肅荷徽章某官臣

姓名稽首頓首再拜承制

若女祖以上在直云某官臣之孫女

告吉

前一日有司設使副次如常儀其日使副至皇后第大門外降車掌次者延入次主人受禮並如采擇之儀執事者皆公服禮直引使副出次執事者取制書降車置於案禮直官引使副立於大門外之西東面北上持幡節者立於使副之北少退東面令吏二人對舉制案立於使副之南執鴈者又在其南俱東面主人立於大門

內之東西面僨立於主人之左北面進受命出曰敢請
事使者曰加諸卜筮占曰從制使某告吉僨者入告主
人曰臣某之女祇嚴女功未燭婦道卜筮協吉臣與有
榮臣某謹奉典制僨者出告訖入引主人出迎使副立
於大門外之南北面再拜使副不答拜主人揖使副先
入至於階西面立使副入幡節前導其持案及執鴈者
從入幡節立於西階之西東面持節者脫節衣使者由
西階升立於兩楹間南面副使在使者西南其持案及

執鴈者又在副使南少退俱東面主人升東階詣使者
前北面立持案者以案進副使取制書持案者退復位
副使奉制書進授使者退復位使者曰有制執鴈者以
鴈陳於庭三分庭一在南北向主人降詣階間北面再
拜使者宣制畢主人又再拜稽首訖升進復詣使者前
使者以制授主人各俛伏跪主人受制書訖各俛伏興
主人少退以授掌事者仍北面立賓者引二人對舉答
表案進立於主人後少西賓者取表以授主人主人受

表進授使者如上儀訖退復位主人再拜持節者加節
衣禮直官引使副降自西階出立於中門外之西副使
在南少退俱東面主人降立於中門內西面僉者進受
命出曰敢請事使者曰禮畢其禮使副使副復命並如
問名之儀

制文

皇帝曰咨某官姓名稽謀所自燕及神民濬發祥占從
以元吉六合之慶是為大同今遣使持節上公封某宗

正卿封某以禮告吉

答文

皇帝嘉命使者某重宣中制太卜元吉微陋之族懼不
克堪恭承徽章肅奉典制某官臣姓名稽首頓首再拜
承制詔

告成

前一日有司設使副次如常儀其日使副至皇后第大
門外降車掌次者延入次主人受禮並如告吉之儀執

事者入設幕於中門之外元纁束帛陳于幕上北向奉穀珪以賈侯於幕東西向禮直官引使副出次執事者取制書降車置於案禮直官引使副立於大門外之西東面北上持幡節者立於使副之北少退令吏二人對舉制案立於使副之南俱東面主人立於大門內之東西面賓者立於主人之左北面進受命出曰敢請事使者曰某奉制告成賓者入告主人曰奉制使賜臣以重禮臣某祇奉典制賓者出告訖入引主人出迎使副立

於大門外之南北面再拜使副不答拜主人揖使副先
入至於階西面立使副入幃節前導持案及奉穀珪者
從入舉束帛者次之執事者坐啓匱取圭加於元纁上
三分庭一在南北面西上幃節立於西階之西東面持
節者脫節衣使者由西階升立於兩楹間南向副使在
使者西南持案者又在副使之南少退俱東面主人升
東階詣使者前北面立持案者以案進副使前副使取
制書持案者退復位副使奉制書進授使者退復位使

者曰有制主人降詣階間北面再拜使者宣制畢主人再拜稽首訖升進復詣使者前使者以制書授主人各俛伏跪主人受制書訖各俛伏興主人少退以授掌事者仍北面立掌事者授玉幣於庭自左受之以東奉玉幣者自西南出僮者引二人對舉答表案進立於主人後少西僮者取表以授主人主人受進表以授使者如上儀訖退復位主人再拜持節者加節衣禮直官引使副降自西階出立於中門外之西副使在南少退俱東

面主人降立於中門內西面儼者進受命出曰敢請事使者曰禮畢其禮使副使副復命如告吉之儀

制文

皇帝曰咨某官姓名之女毓秀中閨膺華高胄詠葛覃之本尊嚴師傅崇卷耳之志夙念恭勤將延登於太微永迓承於介福以元纁黼珪式章典禮今遣使持節上公封某宗正卿封某以禮告成

答文

皇帝嘉命使者某重宣中制降婚卑陋崇以上公寵以盛禮備物典冊恭承天獎肅荷徽章某官臣姓名稽首頓首再拜承制詔

告期

前一日有司設使副次如常儀其日使副至皇后第大門外降車掌次者延入次主人受禮並如告成之儀執事者皆公服禮直官引使副出次執事者取制書降車置於案禮直官引使副闕立於大門外之西東面北上

持幡節者立於使副之北少退令史二人對舉制案立於使副之南執鴈者又在其南俱東面主人立於大門內之東西面僎者立於主人之左北面進受命出曰敢請事使者曰制使某告期僎者入告主人曰臣謹奉制詔僎者出告訖入引主人出迎使副立於大門之南北面再拜使副不答拜主人揖使副先入至於西階東面立使副入幡節前導其持案及執鴈者從入幡節立於西階之西東面持節者脫節衣使者由西階升立於兩

楹間南面副使在使者西南持案及執鴈者又在使副
南少退俱東面主人升東階詣使者前北面立持節者
以案進副使前副使取制書持案者退復位副使奉制
書進授使者退復位使者曰有制執鴈者以鴈陳於庭
三分庭一在南北向主人降詣階間北面再拜使者宣
制畢主人又再拜稽首訖升進復詣使者前使者以制
書授主人各俛伏跪主人受制書訖各俛伏興主人少
退以授掌事者仍北面立賓者引二人對舉答表案進

立於主人後少西儼者取表以授主人主人受表進授使者如上儀訖退復位主人再拜持節者加節衣禮直官引使副降自西階出立於中門外之西副使在南少退俱東面主人降立於中門內西面儼者進受命出曰敢請事使者曰禮畢其禮使副使副復命並如告成之儀

制文

皇帝曰咨某官姓名今月吉日備序來儼爰定厥祥率

遵典禮今遣使持節上公封某宗正卿封某以禮告期

答文

皇帝嘉命使者某重宣中制告曰某月某日可迎臣恭
承令典肅荷徽章某官姓名稽首頓首再拜承制詔

政和五禮新儀卷一百六十七

欽定四庫全書

政和五禮新儀卷一百六十八

嘉禮

納皇后儀三

奏告太廟景靈宮諸陵

前期太史局擇日差官奏告太廟景靈東宮景靈西宮
永安陵永昌陵永熙陵永定陵永昭陵永厚陵永裕陵
永泰陵並如常告之儀

臨軒命使冊后及奉迎

前期諸司各帥其屬陳設垂拱文德殿門之內如命使采擇之儀儀鸞司設皇后冊寶及奉迎制書幄次三於

殿後東廂俱南向

前一日尚書工部奉冊寶學士院奉制書進入

典儀設使副

受制位於橫街南北向東上

受冊寶訖其受奉迎制書使副亦在位

又設

左輔承制位於御座之東又設左輔宣制位及門下侍郎奉節位左輔右弼奉冊寶制書位在使副東北益西向又設權置冊寶褥位二於近東稍北向冊在北寶在

南

發冊寶畢徹一以俟權置奉迎制書

又於冊使受制書稍北設褥位一

以俟冊使受冊副使受寶

受冊寶畢添設褥位一以俟受奉制書使副並立

其

日質明闢文德殿門文武百僚及應行事官入就次服朝服應執事者先入就位管勾內臣承旨降冊寶及制書出垂拱殿門禮部取掌以次捧舉至文德殿後幄次以俟禮直官引使副入立於文德殿門外道東西面門下侍郎帥持節者奉節立於左嘉福門內道北皇帝將出宮東上閣門引知樞密院事以下詣垂拱殿立班如

常儀東上閣門附內侍進班齊牌垂拱殿簾降皇帝乘輦出至殿上少駐輦官迎駕自贊常起居宣贊官上殿簾卷鳴鞭行門禁衛諸班親從迎駕自贊常起居次舍人先贊知內侍省事以下常起居次樞密院以下通班常起居贊祇候引駕樞密知客省事以下至簽書東上閣門官分左右立六尚局應奉官祇候武功大夫以下並先退管軍臣僚窄衣執杖子宣名常起居贊祇候引駕並分左右前導輦降東階垂拱殿門外禁衛諸班親

從自贊常起居訖至文德殿後管軍臣僚易公服執杖
子殿階下分東西侍立皇帝降輦入西閣前導官易朝
服詣御座前分左右侍立知樞密院簽書樞密院知客
省事以下至簽書東上閣門官在東同知樞密院在西
閣門舍人以下各詣兩朵殿上不當祇應舍人並殿下
西向立諸軍將校先入分立殿門內左右內外符寶郎
俱詣閣奉迎御史臺引殿中侍御史一員先入就位
東上閣門御史臺太常寺四方館分引三公以下文武

百僚入詣文德殿庭立班東西相向並如命使采擇之
儀禮直官引左輔右弼門下侍郎中書侍郎及捧冊寶
官等並詣文德殿後幄次前立少頃奉冊寶出幄次捧
冊寶官帥執事人捧舉以行禮直官通事舍人太常博
士前引中書侍郎押冊右弼後從門下侍郎押寶右輔
後從援衛如儀由東上閤門出至文德殿庭褥位權置
訖禮直官通事舍人引左輔版奏中嚴內外符寶郎奉
寶先出少頃又引左輔版奏外辦皇帝服通天冠絳紗

袍簾卷殿上鳴鞭禁衛諸班親從自贊常起居皇帝出
向西閣乘輦禮直官太常博士禮儀使前導皇帝出自
西房內侍承旨索扇扇合皇帝降輦即御座簾卷內侍
又贊扇開殿上鳴鞭爐煙升禮直官太常博士禮儀使
立於御座前稍東西向符寶郎奉八寶陳於御座之左
右分立如儀禮直官通事舍人太常博士引冊使副使
入就受制位立定典儀曰再拜贊者承傳在位者皆再拜
左輔詣御座前承旨降自東階詣使副前稍東西向稱

有制典儀曰再拜贊者承傳使副以下應在位官皆再拜左輔宣制曰冊某氏為皇后命公等持節展禮宣制訖冊使副使再拜左輔升復位門下侍郎帥掌節者脫節衣詣冊使所東北西向立掌節者以節授門下侍郎掌節者退門下侍郎西向以節授冊使冊使跪受以授掌節者立於冊使之左門下侍郎退次引冊使詣受冊褥位立定又引右弼詣冊使前東北西向立中書侍郎引冊案立於右弼之左右弼跪取冊授冊使冊使跪受

訖興置於案

舉案者少退以冊置于案

冊使右弼中書侍郎俱退復

本班次引副使詣受寶褥位立定又引左輔詣副使前

東北西向立門下侍郎引寶案立於左輔之右左輔跪

取寶以授副使副使跪受訖興置於案

舉案者少退以寶置於案副

使左輔門下侍郎俱退復本班典儀曰再拜贊者承傳

使副以下應在位官皆再拜訖禮直官通事舍人太常

博士引冊使押冊副使押寶持節者前導舉冊寶輿者

次之出殿門加節衣物使副將受冊寶畢禮直官又引

右弼中書侍郎及捧制書官等並詣文德殿後幄次前立以使奉制書出幄次奉制書官卽執事人捧舉以行禮直官通事舍人太常博士前引中書侍郎押制書右弼後從援衛如儀出東上閤門至殿庭權置訖

援衛人少退

次引奉迎使副就受制書左輔詣御座前承旨降自東階詣使副前東北西向稱有制典儀曰再拜贊者承傳使副及在位官皆再拜左輔宣制曰皇帝制令公等持節奉迎皇后宣制訖使副又再拜左輔升復位門下侍

郎帥掌節者脫節衣詣使者前掌節者以節授門下侍郎掌節者退門下侍郎西向以節授使者使者跪受以授掌節者立於使者之左門下侍郎退次引使副俱就受制書褥位又引右弼詣使者東北西向立中書侍郎引制書案立於右弼之右右弼跪取制書授使者使者跪受訖興置於案

舉案者退立於後

右弼中書侍郎俱退復本

班典儀曰再拜贊者承傳使副以下在位官皆再拜禮直官通事舍人太常博士引使副從制書案出持節者

前導舉案者次之出殿門加節衣捧舉官等分左右夾侍冊寶輿制書案由端禮門入右昇龍門安制書於絀絡網輦車內奉迎使副就次以俟晡後詣皇后第奉迎冊使副步從冊寶輿出宣德門初制書案出禮直官太常博士引禮儀使進當御座前俛伏跪奏禮儀使具官臣某言禮畢俛伏興復位內侍承旨索扇扇合簾降鳴鞭皇帝降座乘輦入自東房內侍又贊扇扇開禮直官通事舍人引左輔版奏解嚴所司承旨放仗應在位官俱

再拜訖以次出

政和五禮新儀卷一百六十八

欽定四庫全書

政和五禮新儀卷一百六十九

嘉禮

納皇后儀四

冊后

前一日有司設使副次如常儀設尚宮以下次於皇后
閤外道西東向設香案於中庭中庭隨闕所向又設權
置冊寶二案於香案之右典儀設使者位於大門外副

使及內侍位於使者之南舉冊寶案者又在其南持節者在使者之北俱少退東向設主人位於中門外之南北向設使副以下及主人位於中門外亦如之設內謁者監位於中門外主人之南西向其日使副乘車持節備儀仗鼓吹備而不作至皇后第大門外降車掌次者延入次尚宮以下至各就次內僕進重翟等車尚書兵部帥其屬布鹵簿儀仗並於大門之外執事者取冊寶降輿置於案上禮直官引使副出次持幡節及舉冊寶

案者從之俱在門外位捧舉冊官夾侍主人朝服立於大門內之東西面儼者立於主人之左北面進受命出曰敢請事使者曰某奉制授皇后備物典冊儼者入告遂引主人出迎使副於大門外之東南北面再拜使副不答拜主人引揖使副先入立於中門外之東西面使副入幡節前導持案者次之至中門外各就位立定持節者脫節衣內侍及舉冊者皆進詣使者前使者取冊以授內侍各俛伏跪內侍受冊訖各俛伏興以授內

謁者監使者退復位副使以寶授內侍如上儀訖內謁者監持冊寶入立於閣外之東西面跪置冊寶於案俛伏興尚宮以下入閣奉皇后首飾褱衣訖傳姆贊出尚宮引皇后降自東階詣香案前向闕立內侍跪取寶進立於皇后之右少前司言司寶二員進立於皇后之左少前又內侍稱有制內侍贊再拜皇后再拜內侍宣冊訖內侍又贊再拜皇后再拜內侍捧冊進授皇后皇后受訖以授司言又內侍奉寶進授皇后皇后受訖以授

司寶內侍贊再拜皇后再拜訖內侍贊升座尚宮引皇后升座內命婦以下皆序立於庭皇后北面東上立定司贊曰再拜典贊承傳在位者皆再拜訖應侍衛者各升立於侍衛尚儀前跪奏禮畢皇后降座尚宮引皇后入於閣內侍出告禮畢捧冊寶官退主人禮使副使副復命並如告期之儀

奉迎

前一日有司設使副次如常儀又設尚宮以下次於皇

后閣外道西東向又設香案於庭中隨闕所向典儀設使者位於大門外副使及內侍位於使者之前持案及執鴈者又在其南持節者在使者之北俱少退東向司贊設尚儀以下位於堂前其日使副乘車持節備儀仗鼓吹備而不作至皇后大門外降車掌次者延入次宮人等至各就次文武百官奉迎皆陪立於大門之外東西相向並如文德殿命使立班之儀立定尚儀詣皇后前奏請中嚴執事者取制書降車置於案禮直官引使

副出次立於大門外之西東面內侍及執事者各就門
外位主人朝服立於大門內東西面賓者立於主人之
左北面進受命出曰敢請事使者曰再奉制以合吉辰
以禮奉迎賓者入告主人曰臣某謹奉典制賓者出告
入引主人出迎於大門外之南北面再拜使副不答拜
主人揖使副先入立於東階西面使副入幃節前導其
持案及執鴈者從入幃節立於西階之東西面持節者
脫節衣使者由西階升立於西檻間南面副使在使者

西南持案及執鴈者入在副使後少退俱東面主人升東階詣使者前北面立持案者以案進副使前副使取制書持案者退授位副使奉制書進授使者進復位使者曰有制執鴈者以鴈陳於庭三分庭一在南北向主人降詣階間北面再拜使者宣制畢主人又北面再拜稽首訖升進復詣使者前使者以制書授主人各俛伏跪主人受制書訖各俛伏興主人少退以授掌事者仍北面立僨者引二人對舉答表案進立於主人後少西

賓者取表以授主人主人受表進授使者如上儀訖退復位主人再拜持節者加節衣禮直官引使副降自西階以出立於中門之外北面東上傳姆導皇后尚宮前引升堂宮人侍衛如常儀主婦出立於門外之西南面內侍出中門外西面典儀曰再拜贊者承傳使副俱再拜使者曰今日吉日某等率職奉迎內使受以入傳於司言受以奏聞訖主人奉幣以授使副使副退皇后降自東階向闕立於庭尚儀贊詣皇后再拜皇后再拜訖

升堂主人升自東階進西面誡之曰誡之慎之夙夜無違命主人退毋立於西階上施衿結帨誡之曰勉之誡之夙夜無違命重翟車進中門外肩輿進堂上

肩輿為擔子下

准此尚宮前導皇后升輿六尚以下侍衛如儀至中門外

降輿升車內侍導引應乘車引從者如鹵簿常儀皇后

車出大門外文武百官北向班迎再拜訖分班東西主

使副以下羣官當引從者以次引從至宣德門鳴鐘鼓

鳴鐘鼓者所以聲告內使

鹵簿止於門外使副復命並如冊后之儀

制文

皇帝曰咨某官姓名嘉月惠時吉日惟某率由典禮今遣使持節上公封某宗正卿封某備禮以迎

答文

皇帝嘉命使者某重宣中詔吉日維某備禮以迎臣卑陋之族叨膺大恩以榮為懼臣恭承令典肅荷徽章某官臣姓名稽首頓首再拜承制詔

同牢

前一日所司預設皇后大次二一於大慶殿門外之西南向一於內殿庭之南北向尚寢設皇后櫺幄於所御殿之室中設御榻於室中之西又設皇后對榻於御榻之東司設設巾洗各二一於東階南一於室之北水在洗東司醢設御酒尊於室中實四爵兩盞於筐

爵盞以酒器

代之

至日晡後皇后入宣德門至大慶殿門外次前回車南向施步障繖扇等畢內侍進當車前跪奏請皇后降車輿退復位皇后降車入次肩輿進皇后升輿至內東

門降輿執扇燭者布列前後尚宮導皇后詣內殿庭之大次以俟內侍以版奏請中嚴皇帝服通天冠絳紗袍以出即御座南向左右侍衛如常儀皇后入次少頃尚宮前引皇后出詣殿庭之東西向內侍版奏外辦又奏皇帝降座禮迎皇帝降座內侍前引詣殿庭西東向揖皇后以入皇后從入升自西階皇帝盥於南洗皇后盥於北洗入室各就榻前立尚食跪奏請皇帝皇后皆坐尚食以饌進皇帝皇后皆食司醢以酒進皇帝皇后俱

受醴以飲尚食以饌從再飲三飲如初儀尚儀跪奏禮畢皇帝皇后俱興尚宮奏請皇帝更禮服尚寢請皇后服常服次日以禮朝見並如宮中之儀

皇后表謝

皇后至宮之明日質明具服以出司言引尚宮尚宮引皇后降自西階立於庭北向左右侍從如常儀內侍贊再拜皇后再拜內侍以謝表授皇后又內侍以案少前皇后以表置於案上內侍贊再拜皇后再拜內侍奉表

以聞內侍詣皇后前跪奏禮畢俛伏興皇后還閣

政和五禮新儀卷一百六十九

欽定四庫全書

政和五禮新儀卷一百七十

嘉禮

納皇后儀五

皇后朝謁景靈宮

前一日有司於景靈宮東張次於明福殿上

西宮即於潔成殿

又於天興殿之東廊設幄次稍南西向又於殿東階之東稍南設皇后褥位西向又於殿上設皇后褥位西向

又於殿上設皇后褥位於香案之南北向及供奉之物如常儀又設內命婦妃嬪以下陪列位於殿庭之東外命婦陪列位於殿庭之西皆重行北向保寧閣天元太始皇武儷極太定煇德熙文衍慶美成繼仁治隆徽音景靈西宮大明坤元重光殿並如上儀訖又設內命婦妃嬪以下及外命婦并應奉官次於齋殿門內外量殿之宜太僕寺陳重翟車於宣德門偏東南向其日未明前二刻有司設小駕鹵簿儀仗於重翟車左右以次排

列外命婦先自景靈殿後門入就次皇后未出宮前一
刻內侍引內命婦妃嬪以下俱詣殿庭起居訖內侍奏
請中嚴少頃又奏外辦皇后首飾褱衣乘龍飾肩輿如
常儀障以行幃出內東門

由宣祐門左銀臺門左嘉肅門左長慶門入左昇龍門

內侍詣皇后肩輿前俛伏跪奏具官臣某言請皇后降
肩輿升重翟車奏訖俛伏興少退

凡內侍奏請之儀准此

皇后升

重翟車內侍詣車前奏請重翟車進發車進行出宣德
東偏門內命婦妃嬪以下自內東門各升所乘車由左

掖門至宣德門外從皇后車至景靈東宮昌福門

西宮
即於

昭德門


小駕鹵簿止於門外車入門迴車南向內侍詣車

前奏請皇后降車升肩輿皇后降車升肩輿入大次內
命婦妃嬪以下並降車以入內侍引外命婦詣皇后大
次前起居訖並先赴殿庭陪位少頃內侍前導皇后至
天興殿幄次降簾又內侍詣幄次前奏請皇后行朝謁
之禮簾卷內侍前導皇后詣殿階下西面褥位立內侍
奏請再拜皇后再拜內命婦妃嬪以下及外命婦皆再

拜內侍前導皇后升殿東階詣聖祖天尊大帝香案前
褥位北向立內侍奏請皇后上香再上香三上香又奏
請再拜皇后再拜內命婦妃嬪以下及外命婦皆再拜
內侍前導皇后還幄次簾降內侍詣幄次前奏言禮畢
次詣保寧閣天元太始皇武儷極太定輝德殿朝謁如
天興殿儀訖歸大次內侍詣大次前奏解嚴內外命婦
皆還次少頃小駕鹵簿轉仗衛於還途如來儀外命婦
先退太僕進重翟車於昌福門內南向內侍奏請中嚴

少頃又奏外辦皇后乘肩輿以出至車前內侍詣肩輿前奏詣皇后降肩輿升重翟車皇后升車馭者執綏內侍詣車前奏請重翟車進發內命婦妃嬪以下皆升所乘車重翟車進行鼓吹振作前導車至宣德東偏門內迴車南向內侍詣車前奏皇后降升肩輿皇后乘肩輿障以行幄由內東門還內內命婦妃嬪以下從人內侍奏請解嚴將士等各還其所次日又朝謁熙文衍慶美成繼仁治隆徽音殿並如天元殿之儀又次日詣西宮

朝謁大明坤元重光殿並如熙文殿之儀



政和五禮新儀卷一百七十

欽定四庫全書

史部

政和五禮新儀卷一百七十一至
八十一至

詳校官編修臣曹錫齡

編修臣程嘉謨覆勘

總校官庶吉士臣何思鈞

校對官主簿臣汪日贊

謄錄監生臣張鴻恕

欽定四庫全書

政和五禮新儀卷一百七十一

嘉禮

皇太子納妃儀上

陳設

臨軒命使

采擇

問名

告吉

告成

告期

奏告

冊妃

醮戒

親迎

同牢

妃朝見

盥饋

陳設

前期殿中監帥其屬尚舍張設垂拱文德殿門之內設御座於文德殿門當中南向東西房於御座之左右稍北東西閣於殿後之左右殿上前檻施簾設香案於殿下螭陛間大晟展宮架之樂於殿庭橫街之南協律郎舉麾位於宮架西南北東向大司樂押樂位於宮架之

北北向儀鸞司設文武朔參官應行事官東宮官次於朝堂之內外又設使副次於右昇龍門內東南其日尚輦陳大輦於殿西階下東向陳御馬於殿門外東廂西向尚書兵部帥其屬列黃麾細仗於殿庭典儀設使副受制位於橫街南北向東上設在朝承制位於御座之東又設左輔宣制位於使副之東北並西向又設應行事官位於近北西向以北為上設典儀位於宮架東北贊者二人在南少退俱西向

臨軒命使

其日質明闕文德殿門文武朔參官及應行事官入就次各服其服大樂正帥樂工先入就位協律郎入就舉麾位大司樂入就押樂位備而不作典贊者先入就位禮直官引使副入立於文德殿門外道東西向皇帝將出宮東上閤門引知樞密事以下詣垂拱殿立班如常儀東上閤門附內侍進班齊牌垂拱殿簾降皇帝乘輦出至殿上少駐輦官迎駕自贊常起居訖宣輦官上殿

簾捲鳴鞭行門禁衛諸班親從迎駕自贊常起居次舍
人先贊知內侍省事以下常起居次樞密以下通班常
起居贊祇候引駕樞密知客省事以下至簽書東上閣
門官分左右六尚局應奉官祇應武功大夫以下并先
退管軍臣僚窄衣執杖子宣名常起居贊祇候引駕並
分左右前導輦降東階垂拱殿門外禁衛諸班親從自
贊常起居訖至文德殿後管軍臣僚易公服執杖子殿
階下分東西侍立皇帝降輦入西閣前導官易朝服詣

御座前分左右侍立知樞密院簽書樞密院知密省事
以下至簽書東上閤門官在東同知樞密院在西閤門
舍人以下各詣兩朶殿上不當祇應舍人並殿下西向
立諸軍將校先入分立殿門內左右內外符寶郎俱詣
閤奉迎御史臺引殿中侍御史一員先入就位次東上
閤門御史臺太常寺分引三公以下文武百僚入詣文
德殿庭立班東西相向如月朔視朝之儀禮直官通事
舍人引左輔版奏中嚴內外符寶郎奉寶先出少頃又

引左輔版奏外辦皇帝服通天冠絳紗袍簾卷殿上鳴鞭禁衛諸班親從自贊常起居皇帝出西閣乘輦禮直官太常博士引禮儀使前導皇帝出自西房內侍承旨索扇扇合皇帝降輦即御座簾卷內侍又贊扇扇開殿下鳴鞭爐煙升禮直官太常博士禮儀使立於御座前稍東西向符寶郎奉八寶陳於御座之左右分立如儀禮直官通事舍人太常博士引使副入就位立定典儀曰再拜贊者承傳使副以下在位官皆再拜左輔詣御

座前承旨降自東階詣使副前稍東西向稱有制典儀
曰再拜贊者承傳使副以下應在位官皆再拜左輔宣
制訖使副又再拜左輔升復位禮直官通事舍人太常
博士引使副出由文德殿門出右掖門乘車備儀仗而
行初使副出禮直官太常博士引禮儀使進當御座前
俛伏跪奏禮儀使具官臣某言禮畢俛伏興復位內侍
承旨索扇扇合簾降鳴鞭皇帝降座乘輦入自東房內
侍又贊扇扇開禮直官通事舍人引左輔版奏解嚴所

司承旨放仗應在位官俱再拜訖以次出

政和五禮新儀卷一百七十一

欽定四庫全書

政和五禮新儀卷一百七十二

嘉禮

皇太子納妃儀

采擇

前一日主人設使副次於大門之外道右南向其日大
昕使副至妃氏大門外掌次者延入次

主人及行事者皆公服

主

人受于廟

無廟者于廳事中間設神位

使副出次謁者引立于大門

外之西東面主人立于東階下西面賓者立于主人之
左北面受命出立于東門西面曰敢請事使者曰奉制
儲宮納配屬于令德邦有典常使某行采擇之禮賓入
告主人曰臣某之子昧于閭儀未足以備采擇之禮賓
者恭承制命臣某不敢辭賓者入告訖入引主人迎於
大門外之南北面再拜使副不答拜謁者引使副入門
而左主人入門而右執鴈者從而入以鴈陳於庭三分
庭一在南北向使副升自西階立于兩楹間南面主人

升自東階進使副前北向使者曰某奉制采擇主人降階間北面再拜退立于東階上謁者引使副降自西階以出

問名

使副既出立於中門之西東向主人降詣階間立於東階下西面賓者進受命出請事使者曰儲宮之配采擇既諧將謀卜筮承制命問名賓者入告主人曰制以臣某之子可以奉侍儲宮臣某不敢辭賓者出告入引主

人迎于中門外之南北面再拜使副不答拜謁者引使
副入門而左主人入門而右執鴈者從入以鴈陳於庭
三分庭一在南北向使副升自西階立于兩楹間俱南
面主人升自東階進使副前北面使者曰某奉制問名
將謀卜筮主人降自階間北面再拜升階仍北面曰臣
某第幾女某氏出使副降自西階出立于中門之外東
面主人降立於中門之內面西儼者進受命出請事使
者曰禮畢儼者入告主人曰某公奉制命至于某之室

請禮從者儻者出告使者曰某既得將告事敢辭儻者
入告主人曰敢固以請儻者出告使者曰某辭不獲命
敢不從儻者入告遂引主人升立于序端掌事者徹神
位設禮賓席儻者引入主人降迎使副報揖主人入使
副從入升階即座行飲食之禮會畢賓主俱興掌事者
奉幣以授主人主人以授使副使副降自西階從者受
幣使副退主人送于門外

告吉

前一日主人設使副次如常儀其日大昕使副至妃氏大門外掌次者延入次主人受禮如采擇之儀使副出次謁者引立于大門外之西東面主人立於東階下西面賓者進受命出請事使者曰某謀諸卜筮其吉協從制使某告吉賓者入告主人曰臣某之子蠢愚懼弗克堪卜筮之吉惟臣之幸臣某謹奉制典賓者出告訖引入主人迎于大門外之南北面再拜使副不答拜謁者引使副入門而左主人入門而右執鴈者從入以鴈陳

於庭三分庭一在南北向使副升自西階立于兩楹間
俱南面主人升自東階進使副前北面使者曰奉制告
吉主人降詣階間北面再拜使副降自西階出立于中
門外之西東面主人退之南北面再拜使副不答拜謁
者引使副入門而左主人入門而右執鴈者以鴈入陳
於庭三分庭一在南北向使副升自西階立于兩楹間
俱南面主人升自東階進使副前北面使者曰某奉制
告期主人降詣階間北面再拜使副降自西階出立于

中門外之西東向主人退立于中門內西面賓者進受命出請事使者曰禮畢其禮使副如問名之儀

告成

前一日主人設使副次如常儀其日大昕使副至妃氏大門外掌次者延入次執事者設幕于中門之外元纁

束帛陳于幕上北向

元三匹纁三匹合之其他禮物自如常儀

奉穀珪以賁

俟于幕東西向主人受禮如告吉之儀使副出次謁者引立於大門外之西東面主人立于東階下西面賓者

進受命出請事使者曰卜筮不違嘉耦既定制使某以
儀物告成儼者入告主人曰奉制賜臣以重禮臣某
謹奉典制儼者出告入引主人迎于大門外之南北面
再拜使副不答拜謁者引使副入門而左主人入門而
右奉穀珪者從入奉束帛者次之諸奉禮物者皆從其
后三分庭一在南北向西上使副升自西階立于兩楹
間俱南面主人升自東階進使副前北面使者曰某奉
制告成主人降詣階間北面再拜使副降自西階出立

於中門外之西東面主人退立於中門內西面儼者進受命出請事使者曰禮畢其禮使副如告吉之儀

告期

前一日主人設使副次如常儀其日大昕使副至妃氏大門外掌次者延入次主人受禮如告成之儀使副出次謁者引立于大門外之西東面主人立于東階下西面儼者進受命出請事使曰涓辰之良某月某日吉制使某告期儼者入告主人曰臣某謹奉制儼者出告訖

入引主人迎于大門外置於案禮直官引使副出次持節及舉冊印案者從之俱就門外位捧舉冊印官夾侍主人立于門外由東階下西面賓者進受命出請事使者曰某奉制授皇太子妃冊印賓者入告主人曰臣謹奉制賓者出告訖入引主人迎于大門外之南北面再拜使副不答拜主人揖使副先入持節者前導舉案者次之至中門外各就位立定捧冊印官奉冊印就褥位持節者脫節衣內侍及舉冊者皆進詣使者取冊以授

內侍各俛伏跪內侍受冊訖各俛伏興以授內謁者使者退復位副使以印授內侍如儀訖內謁者持冊印立于庭中跪置印冊於案俛伏興宮人等入閤奉妃首飾榆翟衣服訖傳姆贊出內侍引妃降自東階詣香案前向闕立內侍稱有制內侍贊再拜妃再拜訖內侍捧冊授妃妃受訖以授執事者內侍捧印授妃妃受訖以授執事者內侍又贊再拜妃再拜訖內侍引妃升座東宮侍衛人等皆序立于庭重行北向東上立定贊曰再拜

諸宮人皆再拜應侍衛者各升立於侍衛內侍詣妃前
啟禮畢妃降座傳姆引妃還于堂內侍出告禮畢主人
禮使副如告期之儀使副乘車而還

奏告

前期大司局擇日差官奏告太廟別廟景靈東宮景靈
西宮永安陵永昌陵永熙陵永定陵永昭陵永厚陵永
裕陵永泰陵並如常告之儀

冊妃

前一日主人設使副次如常儀又設宮人以下次于妃氏閣外道西東向設香案於寢庭隨闕所向又設權置冊印二案于香案之右典儀設使者位于大門外副使及內侍位于使者之南北向設使副以下及主人位于中門外亦如之設內謁者位在於中門外主人之南西向其日使副朝服乘車持節備儀仗鼓吹備而不作至妃氏大門外降車掌次者延入次宮人等至各就次兵部尚書帥其屬陳妃儀仗于大門之外掌事者取冊印

降輿立于中門內西面儼者進受命出請車使者曰禮
畢其禮使副如問名之儀

政和五禮新儀卷一百七十二

欽定四庫全書

政和五禮新儀卷一百七十三

嘉禮

皇太子納妃儀

醮戒

前期諸司各帥其屬陳設垂拱文德殿門之內如臨軒
命使之儀儀鸞司設皇太子次于朝堂又設文武朔參
官及應行事官東宮官次于朝堂之內外典儀設皇太

子褥位于殿西階上東向設皇太子朝見位于橫街南
北向其日質明闕文德殿門文武朝參官及應行事官
入于次服朝服應執事者俱入就位東宮官導引皇太
子入就次皇帝將出宮東上閣門引知樞密院事以下
詣垂拱殿立班如常儀東上閣門附內侍進班齊牌垂
拱殿簾降皇帝乘輦出至殿上少駐輦官迎駕自贊常
起居訖宣輦官上殿簾卷鳴鞭行門禁衛諸班親從迎
駕自贊常起居次舍人先贊知內侍省事以下常起居

次樞密以下通班常起居贊祇候引駕樞密知客省事
以下至簽書東上閣門官分左右立六尚局應奉官祇
應武功大夫以下並先退管軍臣僚窄衣執杖子宣名
常起居贊伺候引駕並分左右前導輦降東階垂拱殿
門外禁衛諸班親從自贊常起居訖至文德殿後管軍
臣僚易公服執杖于殿階下分東西侍立皇帝降輦入
西閣前導官易朝服詣御座前分左右侍立知樞密院
簽書樞密院知客省事以下簽書東上閣門官在東同

知樞密院在西閣門舍人以下各詣兩朵殿上不當祇應舍人並殿下西向立諸軍將校先入分立殿門內左右內外符寶郎俱詣閣奉迎御史臺引殿中侍御史一員先入就位次東上閣門御史臺太常寺分引文武百僚入立班如臨軒命使之儀皇太子服袞冕之服以出中允少前進圭皇太子執圭禮直官太子舍人贊引至殿門外之東西向立禮直官通事舍人引左輔版奏中嚴內外符寶郎奉寶先出少頃又引左輔版奏外辨皇

帝服通天冠絳紗袍簾卷殿上鳴鞭禁衛諸班親從自
贊常起居皇帝出西閣乘輦禮直官太常博士引禮使
前導皇帝出自西房內侍承旨索扇扇合皇帝降輦即
御座簾卷內侍又贊扇扇開殿下鳴鞭爐煙升禮直官
太常博士禮儀使立於御座前稍東西向符寶郎奉八
寶陳于御座之左右分立如儀禮直官通事舍人太常
博士引皇太子入就位太常博士請再拜皇太子再拜
贊者承傳在位官皆再拜搢圭舞蹈再拜

百官
搢笏

奏聖躬

萬福又再拜訖引皇太子升自西階進立于位西東向
內侍取醴又內侍以酒注於醴授詣皇太子位前皇太
子跪搢圭受醴太官令奉饌設于位前皇太子即座飲
食訖降階北向又再拜禮直官通事舍人太常博士引
皇太子升自東階詣御座前西向立皇帝命之曰親迎
惟古趨辰之良往帥以恭皇太子曰臣謹奉制引皇太
子降階北向再拜訖出禮直官通事舍人太常博士引
禮儀使進當御座前俛伏跪奏禮儀使具官臣某言禮

畢俛伏興復位內侍承旨索扇扇合簾降鳴鞭皇帝降
自座乘輦入自東房內侍又贊扇扇開禮直官通事舍
人引左輔版奏解嚴所司承旨放仗應在位官俱再拜
訖以次出

親迎

前一日有司設皇太子次于妃氏大門外道右南向又
設東宮官次于皇太子次之西南東面其日大昕妃父
服其服告于禰廟

無廟者設神位
於廳事中間

親迎前三刻東宮門

外禮直官引左庶子跪請內嚴右庶子負寶如式俱詣
閣奉迎初昏僕進金輅于閣外南向左內率執刀立于
輅前北向中允一人在侍官之前贊者二人又在中允
之前禮直官引左庶子跪言外備僕攝衣而升正立執
轡皇太子服衮冕之服升輿以出左右侍衛如常儀左
庶子進詣輿前俛伏跪稱左庶子姓某言請皇太子降
輿升輅言訖俛伏興

凡庶子有請並准此

皇太子降輿升輅僕正

立授綏左庶子以下夾侍贊善進當輅前俛伏跪稱贊

善姓某言請進輅言訖俛伏興

凡贊善有請並准此

輅動贊善與

贊者夾引以出至侍官上馬所贊善請輅權駐令侍官上馬左庶子前承令退稱曰令諾贊善退稱侍官上馬贊者承傳文武羣官皆上馬左庶子以下夾侍於輅前侍官上馬畢贊善請進輅輅動東宮官以下皆乘馬以從皇太子將至主人設神位于寢戶之西又設醴女位於戶內南向皇太子至妃氏大門外次前迴輅南向禮直官引左庶子進當輅前請皇太子降輅皇太子降輅

入次妃服褕翟花釵就位南向立姆立於其右女從者陪其後主人升自東階立于寢戶外之西面內贊者設酒饌妃就位坐飲食訖降再拜內贊者徹酒饌主人降立於東階東南西面禮直官引左庶子請皇太子出次立于門西東面左右侍衛如常儀儼者進受命出立於門東西面曰敢請事左庶子承傳跪言訖皇太子曰某奉制親迎敢不恭承左庶子承傳于儼者入告主人曰某固恭具以須儼者出傳于左庶子跪言如初儼者入

引主人出迎于大門外之東西面再拜皇太子答拜訖
主人揖皇太子報揖皇太子入門而左主人入門而右
三揖至于階三遜執鴈者從入以鴈陳于庭三分庭一
在南北向主人升立于東階上西面皇太子升西階進
當寢戶前北面再拜降出主人不降送初皇太子入門
母出立於寢戶外之西南面皇太子入門拜訖傳姆
導妃出立于母左父少進命之曰戒之戒之夙夜恪勤
毋或違命母命之曰勉之勉之爾父有訓往承惟欽庶

母申之曰恭聽父母之言妃出乘厭翟車陳鹵簿如式
皇太子先出大門外至次有司轉仗衛于還途妃儀仗
次于后僕進金輅于次前禮直官引左庶子跪請皇太
子升輅侍官上馬皆如來儀輅動至東宮門外俱下馬
入至閣前迴輅南向禮直官引左庶子請皇太子降輅
皇太子降輅升輿入侍官從至閣將士各還本所

同牢

初昏掌事者設巾洗各二一于東階東南一於室之北

水在洗東尊于室中實四爵兩盞于筐

爵盞以常用酒器代之

皇

太子至降輅以俟妃至降車贊者引就北面立引皇太子揖妃以入及寢門又揖贊者引妃升階入于室執扇燭者陳列于前後贊者引妃入于室皇太子盥于南洗妃從者沃之妃盥于北洗皇太子從者沃之贊者設酒饌匕箸從設掌事者

設對位

皇太子揖妃皆即座司饌北面告饌具贊者二人各以

酒注于醴授皇太子及妃皇太子及妃受醴飲訖贊者受虛醴遂薦饌再飲三飲如初儀皇太子及妃俱興再拜司饌跪言禮畢帥其屬徹酒饌訖退

妃朝見

其日妃夙興沐浴服褕翟乘厭翟車以出有司依式陳鹵簿於東宮門外入至降車所妃降車司賓引妃障扇侍從以入立于閣外近侍入奏皇帝即御座南向侍衛如常司賓引妃入詣庭前北向再拜訖奉棗栗升自西

階北面置于御座前尚食進徹以東司賓引妃降復位
又再拜次又引妃詣皇后所御之殿立于閣外尚儀入
奏皇后即南向座侍衛如常司賓引妃入立于庭北面
再拜請奉殿修升自西階北面置於皇后前尚食進徹
以東司賓引妃降復位又再拜司賓引妃出皇帝皇后
醴妃如宮中之儀

盥饋

其日妃夙興沐浴服褕翟乘厭翟車以出有司依式陳

鹵簿于東宮門外入至降車所妃下車司賓引妃立于
閣外俟皇帝進膳司賓引妃入立于庭北面再拜訖尚
食以膳授妃司賓引妃升自西階北面置於皇帝前司
賓引降復位又再拜司賓引妃出詣皇后所御之殿立
于閣外俟皇后進膳司賓引妃入立于庭北面再拜訖
尚食以膳授妃司賓引妃升自西階北面置于皇后前
司賓引妃降復位又再拜司賓引妃出皇帝皇后饗妃
如宮中之儀

[illegible]

政和五禮新儀卷一百七十三

欽定四庫全書

政和五禮新儀卷一百七十四

嘉禮

皇子納夫人儀

采擇

問名

告吉

告成

告期

奏告

賜告

醮戒

親迎

同牢

夫人朝見

盥饋

采擇

前一日主人設使者次于大門之外道右南向其日大

昕使者公服至於女氏大門外掌次者延入次

主人及行事者

皆公服

主人受於廟

無廟者設神位於廳事中間

使者出次謁者引立

於大門外之西東面主人立於東階下西面儻者立於主人之左北面受命出立於門東西面曰敢請事使者曰奉制某王之儻屬於懿淑慎之重之使某行采擇恭禮儻者入告主人曰臣某之子顓愚不足以備采擇恭

承制命臣某不敢辭僭者出告訖入引主人迎於大門外之南北面再拜使者不答拜謁者引使者入門而左主人入門而右執鴈者從入以鴈陳於庭三分庭一在南北向使者升自西階立於兩楹間南面主人升自東階進使者前北面使者曰某奉制采擇主人降詣階間北面再拜退立於東階上西面使者降自西階以出

問名

使者既出立於中門外之西東面主人降立於東階下

西面僨者進受命出請事使者曰某王之僨采擇既諧將加官占奉制問名僨者入告主人曰制以臣某之子可以奉侍某王臣某不敢辭僨者出告訖引主人迎於中門外之南北面再拜使者不答拜謁者引使者入門而左主人入門而右執鴈者從入以鴈陳于庭三分庭一在南北向使者升自西階立于兩楹間南面主人升自東階進使者前北面使者曰某奉制問名主人降詣階間北面再拜升階仍北面曰臣某第幾女某氏出使

者降自西階出立于中門外之西東面主人降立于中門內西面賓者進受命出請事使者曰禮畢賓者入告主人曰某公奉制命之于某之室請禮從者賓者出告使者曰某既得將事敢辭賓者入告主人曰敢固以請賓者出告使者曰某辭不獲聞命敢不從賓者入告遂引主人升立于序端掌事者徹神位設禮賓席賓者引主人降迎使者報揖主人入使者從入升階即座行飲食之禮會畢賓主俱興掌事者奉幣以授主人主人以

授使者降自西階從者受幣使者退主人送于門外

告吉

前一日主人設使者次如常儀其日大昕使者至女氏大門外掌次者延入次主人受禮如采擇之儀使者出次謁者引立于大門外之西東面主人立于東階下西面賓者進受命出請事使者曰官占既吉奉制以告賓者入告主人曰臣某之子愚弗克堪占貺之吉臣與有幸臣某謹奉典制賓者出告訖入引主人迎于大門外

之南北面再拜使者不答拜謁者引使者入門而左主人入門而右執鴈者從入以鴈陳于庭三分庭一在南北向使者升自西階立于兩楹間南面主人升自東階進使者前北面使者曰奉制告吉主人降詣階間北面再拜使者降自西階出立于中門外之西東面主人退立於中門西面儼者進受命出請事使者曰禮畢其禮使者如問名之儀

告成

前一日主人設使者次如常儀其日大昕使者至女氏

大門外掌次者延入次執事者入設幕于中門之外元

纁束帛陳于幕之北面

元三疋纁三疋合束之
其他禮物自如常儀

執事者

奉璋以俟於幕西東面主人受禮如告吉之儀使者出

次謁者引立于大門外之東西面主人立于東階下西

面賓者進受命出請事使者曰官占云吉嘉耦既定制

使某以儀物告成賓者入告主人曰奉制賜臣以重禮

臣謹奉典制賓者出告入引主人迎于大門外之南北

面再拜使者不答拜謁者引使者入門而左主人入門而右奉璋者從入奉束帛者次之諸持禮物者皆從其後三分庭一在南北向西上使者升自西階立于兩楹間南面主人升自東階進使者前北面使者曰某奉制告成主人降詣階間北面再拜使者降自西階出立于中門外之西東面主人退立于中門內西面儗者進受命出請事使者曰禮畢其禮使者如告吉之儀

告期

前一日主人設使者次如常儀其日大昕使者至女氏
大門外掌次者延入次主人受禮如告成之儀使者出
次謁者引立于大門外之西東面主人立于東階下西
面僮者進受命出請事使者曰涓辰之良某月某日吉
制使某告期僮者入告主人曰臣某謹奉制僮者出告
訖入引主人迎於大門之外之南北面再拜使者不答
拜謁者引使者入門而左主人入門而右執鴈者從入
以鴈陳於庭三分庭一在南北向使者升自西階立于

兩楹間南面主人升自東階進使者前北面使者曰某奉制告期主人降詣階間北面再拜使者降自西階出于中門外之西東面主人退立于中門外西向僮者進受命出請事使者曰禮畢其禮使者如告成之儀

奏告

前期太史局擇日差官奏告景靈東西宮如常告之儀
賜告

前一日主人設使者次如常儀使者以內侍充又設權置告箱

次於中門之外北面設香案於寢庭隨闕所向其日大
昕使者公服至夫人門外掌次者延入次史二人對舉
箱置於次夫人花釵翟衣俟于閤姆立于其右女贊者
二人夾侍使者出次謁者引立于大門外之西東面主
人立東階下西面僎者進受命出請事使者曰奉制賜
某國夫人告僎者入告主人曰臣某謹奉制僎者出告
訖入引主人出迎立于大門外之南北面再拜使者不
答拜謁者引使者入門而左主人入門而右舉告箱者

從入

至寢門以內侍代

主人立於香案之左使者立于香案之

右告箱者以告置于香案女相者引夫人出面闕立使者稱有制女相者贊再拜夫人再拜使者曰賜某國夫人告又再拜訖夫人退使者出立于中門外之西東面主人立于中門內西面儼者進受命出請事使者曰禮畢其禮使者如告期之儀

醺戒

皇子將行親迎皇帝醺戒於所御之殿內贊者設御座

南向又設皇子位於西階上東向設酒饌如常儀皇帝
即御座贊禮者引皇子北面再拜皇子升自東階進立
於位西東向次內贊者取醴內侍以酒注于醴進皇子
位前皇子跪受醴又內贊者奉饌設於皇子位前皇子
就位座飲食訖贊禮者引皇子降階北面再拜又引皇
子進當御座前西向立皇帝命之曰親迎惟古往帥以
恭皇子曰臣謹奉制次贊禮者引皇子降階北面再拜
訖出

親迎

前一日主人設皇子次於夫人大門之外道右南向又設王府官次於皇子次之西南東向其日大昕夫人父

服其服告于祖廟

無廟者設神位於廳事中間

親迎前三刻應執事

者俱服其服所司依式陳鹵簿于本閤門外初昏所司進象輅于皇子閤外南向贊者二人在前馭者奮衣西升正立執轡皇子服九旒冕以出左右侍衛如常儀禮直官請皇子升輅皇子升輅訖馭者立授綏王府官夾

侍禮直官請進輅輅動贊者夾引以出至王府官上馬
所禮直官請輅駐令王府官上馬王府官上馬畢禮直
官請進輅輅動王府官以下皆乘馬以從皇子將至主
人設神位于寢戶外之西又設醴女位于戶內南向具
酒饌如常儀皇子至夫人大門外次前迴輅南向禮直
官請皇子降輅皇子降輅入次夫人著花釵服翟衣就
位南向立姆立于其右女從者陪其後主人升自東階
立于寢戶外之東西面內贊者設酒饌夫人就位坐飲

食訖降再拜內贊者徹酒饌主人降立于東階東南西面禮直官引皇子出次立于門西東面賓者進受命出門東西面曰敢請事皇子曰某奉制親迎敢不恭承賓者入告主人曰某固恭具以須賓者出告入引主人迎于大門外之東西面拜揖皇子答拜主人揖皇子報揖皇子入門而左主人入門而右一揖至于階三遜執鴈者從入以鴈陳于庭三分庭一在南北向主人升立于東階上西面皇子升西階進當寢戶前北面再拜降出

主人不降送初皇子入門母出立于寢戶外之西南面
於皇子拜訖姆導夫人出于母左父少進命之曰戒之
戒之夙夜恪勤毋或違命母命之曰勉之勉之爾父有
訓往承惟欽庶毋申之曰恭聽父母之言夫人出乘厭
翟車陳鹵簿如式皇子先出大門至次有司轉仗衛於
還途如來儀所司進象輅于次前禮直官請皇子升輅
王府官上馬皆如來儀輅動至本宮門外俱下馬入至
閤前迴輅南向禮直官請皇子降輅皇子降輅入王府

官從至閤將士各還本所

同牢

初昏掌使者設巾洗二一于東階東南一于室之北水
在洗東尊于室中實四爵兩盞于篚

爵盞以常用酒器代之

皇子

至降輅以俟夫人至降車北面立皇子揖夫人以入及
寢門又揖夫人升階入于室皇子盥于南洗夫人從者
沃之夫人盥於北洗皇子從者沃之贊者設酒饌匕箸
從設掌事者布對位皇子揖夫人即對位皆坐贊禮者

二人以酒注于醴皇子及夫人受醴飲訖贊者受醴遂薦饌再飯三飯如初儀皇子及夫人皆興再拜掌事者徹酒饌訖退

夫人朝見

其日夫人夙興沐浴著花釵服翟衣乘厭翟車以出有司依式陳鹵簿於閤外入至降車所夫人降車司賓引夫人止閤外內侍入奏皇帝即御座南向坐侍衛如常夫人奉棗栗司賓引夫人入立于庭中北面再拜司賓

引夫人升自西階進北面置于御座前尚食進徹以東
司賓引夫人降復位又再拜司賓引夫人出詣皇后所
御之殿立於閣外尚儀入奏皇后即南向座侍衛如常
司賓引夫人入立于庭北面再拜訖夫人奉服脩司賓
引夫人升自西階進北面置于皇后前尚食進徹以東
司賓引夫人降復位司賓引夫人出皇帝皇后醴夫人
如宮中之儀

盥饋

其日夫人夙興沐浴著花釵服翟衣乘厭翟車以出有司依式陳鹵簿入至降車所夫人下車司賓引夫人立于閤外俟皇帝進膳司賓引夫人入立于庭北面再拜訖尚食以膳授夫人司賓引夫人升自西階北面置于皇帝前司賓引夫人降復位又再拜司賓引夫人出詣皇后所御之殿立於閤外俟皇后進膳司賓引夫人立于庭北面再拜訖尚食以膳授夫人司賓引夫人升自西階北面置于皇后前司賓引夫人降復位又再拜司

賓引夫人出皇帝皇后饗夫人如宮中之儀

政和五禮新儀卷一百七十四

欽定四庫全書

政和五禮新儀卷一百七十五

嘉禮

帝姬降嫁儀

納采問名

納吉

納成

請期

奏告

親迎

同牢

見舅姑

醴婦

盥饋

饗婦

納采問名

前一日壻家具禮物

用

修表如儀陳於廳事掌昏者公

服省視訖各置于綵輿其日大昕掌事者設香案於庭

中掌昏者率壻向闕再拜訖捧舉以行表在前禮物次

之掌昏者乘馬於後入東華門下馬至內東門外權置

少頃禮直官引掌昏者門外西向立掌事者以納采表

授掌昏者掌昏者跪搢笏受以授內謁者進入訖

禮物從入

准此掌昏者退就次內謁者出詣內東門禮直官引掌昏

者出次西向立掌事者又以問名表授掌昏者掌昏者

跪搢笏受以授內謁者進入訖退諸捧舉者以次出

納吉

前一日壻家具禮物

用鴈

修表如儀陳於廳事掌昏者公

服省事訖置於綵輿其日大昕掌事者設香案于庭中

掌昏者率壻向闕再拜訖捧舉以行表在前禮物次之

掌昏者乘馬於後入東華門下馬至內東門外權置少

頃禮直官引掌昏者詣門外西向立掌事者以納吉表

授掌昏者掌昏者跪搢笏受以授內謁者進入訖退捧

舉者以次出

納成

前一日壻家具禮物

用玉幣等

修表如儀陳於廳事掌昏者

公服省視訖各置於綵輿其日大昕掌事者設香案於庭中掌昏者率壻向闕再拜訖捧舉以行表在前玉幣次之諸禮物又次之掌昏者乘馬於後入東華門下馬至內東門外權置少頃禮直官引掌昏者詣門外西向立掌事者以納成表授掌昏者掌昏者跪搢笏受以授內

謁者進入訖退諸捧舉者以次出

請期

前一日壻家具禮物

用鴈

修表如儀陳於廳事掌昏者公

服省視訖置於綵輿其日大昕掌事者設香案於庭中

掌昏者率壻向闕再拜訖捧舉以行表在前禮物次之

掌昏者乘馬於後入東華門下馬至內東門外權置少

頃禮直官引掌昏者詣門外西向立掌事者以請期表

授掌昏者掌昏者跪搢笏受以授內謁者進入訖退捧

舉者以次出

奏告

前期太史局擇日差官奏告景靈東西宮如常告之儀
親迎

前一日所司於內東門外量地之宜西向設壻次其日

大昕壻之父服其服告於禰廟曰

無廟者於廳事
中間設神位

國恩

貺室於某

壻名

以某日親迎敢告再拜于將行父醺子於

廳事贊者設父位於中間南向設子位于父位之西近

南東向父即座子公服升自西階進立于位前贊者注酒於醴西向授子子再拜受訖贊者又奉饌設于位前子舉酒興即飲食訖降再拜贊禮者引立於父位前父命之曰往迎肅雍以昭惠宗廟子再拜曰祇率嚴命又再降出乘馬至東華門內下馬禮直官引就次有司陳帝姬鹵簿儀仗於內東門外俟帝姬將升厭翟車禮直官引壻出次入於內東門外躬身西向掌事者以鴈陳於前內謁者奉鴈以進俟帝姬升車訖壻再拜先還第

同牢

其日初昏掌事者設巾洗各二一於東階東南一於室

之北水在洗東尊于室中實四爵兩盞於篚

爵盞以常用酒器代

之壻至本第下馬以俟帝姬至降車贊者引壻揖帝姬

以入寢門又揖壻導帝姬升階執扇燭者陳列於前後

贊者引帝姬入于室壻盥於南洗帝姬從者沃之帝姬

盥于北洗壻從者沃之贊者設酒饌匕箸從設掌事者

布對位壻揖帝姬皆即座贊禮者二人俱注酒於醑以

授壻及帝姬壻及帝姬俱興受醴卽座飲訖贊者受虛
醴遂薦饌再飲三飲如初儀壻及帝姬俱興再拜訖贊
者徹酒饌畢退

見舅姑

夙興帝姬著花釵服褕翟以俟見贊者設舅姑位于堂
上東西相向舅位于東姑位于西舅姑服其服俱就位
後立女相者引帝姬升自西階詣舅姑位前再拜訖贊
者以棗梔授帝姬帝姬奉棗梔置于舅位前舅卽座贊

者進徹以東帝姬退復位又再拜女相者又引帝姬詣
姑位前再拜訖贊者以服脩授帝姬帝姬奉服脩置於
姑前姑即座贊者進徹以東帝姬退復位又再拜次醴
婦如別儀

醴婦

見舅姑禮畢贊禮設帝姬位于姑位之北少西東向女
相者引帝姬立于位之面贊者注酒於醴授帝姬帝姬
東面受醴贊者西向拜送次又奉饌置于位前帝姬即

座飲食訖降再拜贊者答拜降階以退

盥饋

贊者設舅姑位于堂上東西相向舅位於東姑位于西
舅姑服其服俱即座女相者引帝姬升自西階進詣舅
姑之東西向贊者以饌授帝姬帝姬受饌置于舅位前
贊者加以匕箸女相者又引帝姬進詣姑位之西東向
贊者以饌授帝姬帝姬受饌置於姑位前贊者加以匕
箸舅姑俱食食畢帝姬各再拜次饗婦如別儀

饗婦

盥饋舅姑禮畢贊者設饗婦位于姑位之北少西東向
女相者引帝姬立于位之西贊者奉饌置于位前加以
匕箸帝姬立即座食畢再拜降階以退

政和五禮新儀卷一百七十五